

बुद्ध धर्म-उपदेश संग्रह



सम्पादक-

ख. रामलाल उपासक

दुर्गा बहि

काठमाडौं, नेपाल

मूल्य रु. ११-

बुद्ध धर्म-उपदेश संग्रह

सम्पादक-

ख. रामलाल उपासक

दुगं बहि

काठमाडौं, नेपाल

प्रकाशक-

रामलाल, मथुरामाया उपासिका

दुगं बहि, काठमाडौं. नेपाल,

प्रथमावृत्ति- १०००,

बु. सं. २५२२

वि. सं. २०३३

ने. सं. १०९९

निगू शब्द

लुम्बिनी भन्ते सुबोधानन्दया उपाध्याय त्वे. ३३।१६।२२ गते
सासन धज्ज नामं अल्प कालिक प्रवज्या उपसम्पदा बिया बिज्यागुलि
प्राप्त जूगु तःधंगु पुण्य कार्य ज्यासफल खः धंगु मने प्रीति जूगुया उप-
लक्ष भन्तेपिनिगु सत्संगतं विहारे धर्म देसना न्यना बले अवसाने थथे
न्यनागु उपदेस थः परिवार पासा पित्तनं कनेगु असल खः धंगुबिज्यागु
वचन यात नं सिरोपर याना विहार आदि विभिन्न थासे न्यना ससःथे
लुमंका संक्षपं च्वैतंगुली भती चाजूसां सकल महानु भावपिनि न्होने
तयदया अहोभागे सम्फे जुया शुकि द्वंगु दःसा क्षमायाना विज्याइ दी
धंगु आसा दु. धर्मपासा पिनिगु पुचले भन्ते पिसं बराबर कना बिज्यागु
उपदेस सकस्यनं मस्यूगु मखु सानं बराबर लुमंके बह जूगु लिसंक्षप मात्र
जूसां च्चयागु खः बुद्ध वचन ध्वीकेगुली आपालं परिश्रम याना कना
बिज्यामह वसथोल भन्ते सुबोधानन्द यात जिगु सहश्रवार साधुवाद ।

ख. रामलाल उपासक

१९२९

१९०७

१९२९

१९९८ साल चैत्र १० गते

भन्ते अमृतानन्द मूबाहाले छें बिज्याका त्रिसरण पंचशील प्रार्थना
याना शील कया धर्म देसना न्यना । ११गते अनहेछें "मैत्री" भावना
बिया बिज्यागु लि उबले निसें बुद्ध धर्म श्रद्धा तयगु सौभाग्य चलात ।

०६।५।४ गते

भन्ते प्रज्ञानन्द छें बिज्याका सुमनादेवी राजकुमारीं क्रकुछन्द बुद्धया
पाल निसें पुण्य कर्म यानावोगु उपमा प्यम्ह सर्प तिसा न्याम्ह सिपाही
खुपाक्या छें खुम्हखु च्यागः पंया बुङ्गा प्यंगू बाढ तरेजुया वंगु
(आसीबीषोपमा सुत्र) देसना । ०६ साले बर्मादेसं बिज्यापि निम्ह
भन्ते पिसं श्रीघः विहारे फिछन्हु तकया उपदेस अनिरुद्ध भन्तेन अनुवाद

जूगु संछेपः-

इमिना पनडान्येन, संयुक्तो बुद्ध सानने ।

होतिलद्ध पतित्थोति, सोतापन्नहि चूलको ॥

दिट्ठि विशुद्धिज्ञान- १ पञ्चस्कन्ध नामरूप सिक्के छ जि धैगु मेगु छुं
मदुधका खके फुगु ज्ञान ।

कंखा बितरण ज्ञान- १ थुगु रूप वःगु नामरूप उत्पन्नया हेतु सिकेगु ज्ञान ।

चूल श्रोतापन्न- १ थ्व निगू यात थ्वीके फुम्हयात घाई ।

संमुत्ति सत्य १ - चाः छग्गाराया घः तयार जुल धायव ।

सथान प्रज्ञा १ - उगुचीजया आकार यात धागु ।

अभाष प्रज्ञा - व चीजुतज्याना वना मन्त धायव ।

परमार्थ सत्य - ध्व फुक स्वभावं सुद्वजुया च्वंगु चित्त चेतसिक रूप
निर्वाणया ज्ञान ।

सम्य भावनाया लं - असुभ १०, कसिन १०, अनुसति १०, ब्रम्ह बिहार
४, अप्पमञ्ज ४, आहार १, = एक व वट्टान १
पीगू प्रकारया भावना दू ।

द्विपस्यना लं - नामरूप अनित्य दुःख अनात्मा विषयष रूपंखंकेगु
पथबीएकगता ध्यान - उपचार घेरां दुने खंकेगु अपना समाधी-४
इर्यापथ ।

खनोका समाधि - तथागत सम्यकसम्बुद्ध पिसं जक याना बिज्याई ।

नाना सत्त लोक - नाना यास (तिर्यक इत्यादि जन्म काइगु ।

बिनिपात - अबीचिनकं इत्यादि जन्म उत्पन्न ज्वीगु ।

अत्तानु वाता भव - उपादान/ अपाय दुश्चरित्र ।

कामा श्रव - छिछगू लोके आश्रव ।

भवो श्रव - स्वीछगू भुबने बास या आश्रव ।

अविज्जा श्रव - स्कन्ध आयतन खंके मफुगु ।

दिट्ठि - दोना च्वंगु अ. जि. धैगु मस्यूगु संथान प्रज्ञा नाम
प्रज्ञा मदुगु ।

काय संस्कार - छिन्धिने अनित्य जुया वना च्वंगु उकिदुःख ।

वची संस्कार - बन्नं ल्हानागु याततं उगुहे रूपं खंकेगु ।

चित्त संस्कार - चित्ते चित्तन जुजुं हितु हिला फुना च्वंगु वहे प्रकार

भुतमय आन - न्हायपनं ताया प्राप्त जग्गु ज्ञान- मेपिसं कंगु द्वार

सीका गुण यामु ज्ञान ।

चिन्तामय ज्ञाण - चिन्तन याना प्राप्त ज्वीगु- थःथमं श्वीका पुंन्य
कर्म यागु ज्ञान ।

बिपस्यना ज्ञाण - अनंलिपा भावनां प्राप्त ज्वीगु ज्ञान ।

अन्ध पृथक जन - ज्ञान चक्षु हीनपि ।

कल्याण पृथक जन - स्कन्ध आयतन धातु सत्य ज्ञान चक्षु दुपि

सत्पुरुष धर्म - श्रद्धा, सीति, हिरि, ओतप्प, बहुश्रुत, त्याग, प्रज्ञा
श्व न्हेगु पुरेजूपि ।

तदंग प्राहाण - १ शील ।

विकवम्मन प्रहाण - १ समाधि ।

समुच्छेद प्रहाण - १ प्रज्ञा ।

पहातब्ब - १ दुःख समुदय फल हेतु ।

पहीन - १ निरोध मग्ग आरम्मन आरम्मनीक ।

परियाय देसना - १ सुत्र विनय ।

मुख्य देसना - १ अभिधर्म तप्यक कनावंगु ।

थानुपाचार - १ पूजायाका च्वंम्ह, याना च्वंम्ह नयगु नःह्म जूम्ह
सकल नाम रूप ।

त्रिलक्षण - १ अस्थिरं अनित्य भिसां मभिसां दुःख सारमदुगुलि
अनात्मा ।

सत्त्वप्राणि उत्पत्ति - कर्म - कुसला कुसल स्यूगु चित्त ऋजु क्वा ख्वाउ
आहार नयगु पे पे चिज ।

संज्ञा बिपलास - अनित्य यात नित्य भाषा खनीगु ।

चित्त बिपलास - आचारया उपमा समान त्रिलक्षण चित्तो परे ज्वीगु ।

६)

दृष्टि विपत्त्यास - मिथ्या दृष्टि मिखा लोभ द्वेष मोहे त्रिलक्षण मस्यूगु ।

बिदशना लं - च्वेयागु स्वंगू भावना त्रिलक्षण मध्य छगू भावना
कायगू ।

वारित्र शील - मयासा अकुसले मलाइगु ।

चारित्र शील - धुतंग इत्यादि यासा पुन्य मयासां पापमदु ।

योपिहेतु - बेभारे चलन जुया च्वंगु रूप इत्यादि यात घाइ ।

योपि पञ्चयरुप - मिखां रूप खंगुली पंचस्कन्धे त्रिलक्षण बिचार ।

सत्त्व लोक - ३१ भुवन ।

संखार लोक - ३१ भुवन दयकेगु

ओकास लोक - स्थानयात धेतल ।

शील - कायकर्म बचीकर्म ।

रूप - मस्यूगु स्वभाव ।

नाम - स्यूगु स्वभाव ।

२००६।९।१२ गते

जन्म दाता मां मोतिमाया तिर्थ सेवाय बोना बनेत, कितिमा भन्ते
सारनाथ संघारामे श्रावस्ति जेतवन विहार "महिन्द्र" राजगिरि बर्मा
धर्मसाला कुसिनगर आदि भन्ते पित्त चिट्ठि पत्र च्वया बिया बिज्यागु
आघारे यात्रा सफल याना वयदुगु तःधंगु भरोसा जूगु लि भन्ते अनिरुद्ध
यात साधुवाद याना । धर्मरक्षित भन्ते यातन साधुवाद ।

२००७।१।२ गते

मारद भन्ते न आनन्द कुटि देसना- मैत्रि करुणा मदिता उपेक्षा
भावनाका संक्षप न्हापां धुं छत्वा च्वाना शरीर तप्ये च्वना च्वान-मुद्रा

दृष्टि याना म्हुनुं न्हाप्पां छको सासः पितछोया न्हासं दुत कया न्हासं हे
 पित छ्वेगु निसें निगुलि गन्ति याना फिको फिको न्याथाय यायगु कन्हे
 खुन्हू छुथाय यायगु वयां कन्हे न्हे थाय यायगु एवं छथा छथा बधे याना
 आपा जुल धायव गन्ति याय म्वाल थुगु रूलं भाबना याना यंके बले
 म्ह हलुका स्वास्थ्य थीक जुया आकासे च्वनागु थ्यं जुयावै आना धैगु
 (स्वास प्यांवैगु) पान धैगु (स्वास दुकायगु) खः । मैत्रि भाबना न्हाप्पां
 थःतः सुखी ज्वीमा बैरी मद्यमा निरोग ज्वीमा निदुक्खि ज्वीमा धका
 भाबना याना सरीरं जाया वैगु मैत्रि रस्मि खराब चित्त नास याना
 छोय धुनेब फिगू दिसा सं मैत्री फिजय ज्वीका सकल सत्व सुखी ज्वीमा
 निरोग ज्वीमा निदुक्खि ज्वीमा बैरी मद्यमा, सब्बे सन्ता सुखिता भवन्तु ।
 देनेत दनेवं बोनेगु गाथाः—

दुक्खपत्ता च नि दुक्खा, भयपत्ता च निब्भया ।

सोकपत्ता च निसोका, होन्तु सब्बेपिपानिनो ॥

छम्ह दोषि यात ज्यान् सजाय याय त्यो भले प्यम्ह मन्हु दु । जुजु
 हुकुम बीम्ह, प्रहार याइम्ह, मांम्हं वया सःत्ता बदला जितः सजाय या धका
 धै च्वंम्ह वो दोषि समेत प्यम्हे सितं बराबर ज्वीक मैत्री चित्त तय
 फयकेगु बिचार ल्वीका भाबना याना च्वनेगु । व कां. खवाय. लाता
 गुरू स्वम्ह यागु बिचार तयगु उत्तम ज्वी ।

२००७।१। गते

वसपोल भन्ते नं अनहे विहारे देसना— थुगुलोक यातमाःगु, उत्थान
 संपदा । आरक्ख संपदा, समजीवि संपदा, कल्याण मित्र संपदा । पर-
 लोका यात श्रद्धा सील त्याग प्रज्ञा, साथे “नेतं मम नेसो ह्मस्मि

नमोसोअत्ता” व “ए धम्मा हेतु प्पभावा” या बिज्जलेसम । अनंलि राग द्वेष फुकेगु “केशा लोमा ३२ कोट्टास” भावना कमसे कम न्यागूतक जूसां यायगु लुमंकेगु ।

छगू गामे च्वंम्ह छम्ह बुधिम्ह उपासिका नं थः पुत्रीयात ज्या अन्हे यात- जि बासि जा नयधुन थ्व छीके दुगु जाकि केँ तर्कालि भोजन जोरे याना छिमि दाजुप्रबज्जित भिक्षा वैबले भोजन प्रदान याना बाकि दुगु छं नयाच्चं जितः लपते हः भचा दायका ति धका अरे यागु । भिक्षा वःम्ह प्रबज्जितं ताया पला लिच्चीका भावना याना अरहन्त जुया बिज्यासेलि देवताया प्रार्थना उगुभोजन स्वाकार याना बिज्यात ।

छम्ह मन्हूयात जंगले किसि लिना यंकुभले अनवने थन वने मदया तुं थें जागु थासे कोहां वना काले अरेजुल अन क्वे लखे काल सपं म्हुतु वां खाया च्वन, च्वे हाप्व दु उगु फारया जरा तुयूम्ह व हाकुम्ह छं चाना च्वन, च्वे हाप्व दु उगु फारया जरा तुयूम्ह व हाकुम्ह छं चाना च्वन, छपा ल्हातं उगु फाःबः कया अरेजुया छपाल्हाते हाप्वेलं तिकि तिकि वैच्वंगु कस्ति फेया स्वादे सुख ताया च्वंगु संसार, सुख । जंगल (=संसार) किसि (=मार) सपं = (जरा) कंका (=जाति) हापो (=पञ्च-निवर्ण) तुयू हाकु छुं (=चा व न्हि) कस्ति (=पञ्च कामगूण) खंका “नैस्कम्य” संकल्प या उपदेस बिल ।

१९५४ दसेम्बर दिसंबर ७-८ धर्म दूत अंक- बासिष्ठया खं ।
 कससीदेशे कां बीपाले अना च्वंम्ह बासिष्ठं मां मदयका बी नं बिबाह याना
 दिसि जिया कयाइ मिसायात बीनु यात अनलि मिसां ससः बी नापे

बिरोध याना वाके छोयगु खं लहात व खं न्हेदं दुम्ह कायनं ताल वनेत्यो
 भले जिनं वे घया स्वम्हं धनउथे याःवने त्वहतया गाडाय च्वना वन
 मसाने थेनेव गाःम्हुल मचां छाया म्हुयागु धका न्यन छिमि बाज्यायात
 स्वथनेगु ल्हायगु धाल । मचां उगु कू कया मेथाय गाःम्हुल बौम्ह न्यन,
 छंत तया ल्हायूत धाल थुलि न्यना ज्ञानं श्वीका छें लित बोना हया
 मिसायात पतिना छोट लिपा कायमचा यागु सर्णे द्वाहां वया बाजु नाप
 मिले जुया च्वन ।

०१३।१।२९ गते

नारद भन्ते नं आनन्द कुटि उपदेस व्युगु-बुद्धानु सति धर्मानुसति
 संधानुसति जडिबुटि चेतसिक खः उकि बनेजूगु वासः चित्तखः परिवर्तन
 रूप कसौडि (उपमा आकार परिवर्तन) उकि च्वंगु जा समान वेदना साथे
 नयगु तर्कालि संज्ञा जाथुइम्ह संसारनेम्ह विज्ञान समान खः । वेदना
 संज्ञा चेतसिक बाहेक न्येगु चेतसिक सस्कार खः । ३१ गते या देसना
 निर्बाण या बिस्तार व निर्बाण धंगु श्वहे प्यकुहाकः सरीरे दैगु धका
 पंच अष्ट दस शील सुद्ध रूपं पालनं भावना याना जगले किंसि ल्यूम्ह
 मन्हु समान खं लुमका “नेसोहमस्सि” भावना याना श्रोतापत्ति जुया
 का धै विज्यासे देसना पूर्णं याना विज्यायत जिगु फोटो छपा छंतबी
 धया बिया विज्यात ।

२०१३।५।१० गते

अमृतानन्द भन्तेनं रञ्जना हले चतुर्थे विश्व बौद्ध सम्मेलनया सभा
 जूबले देसना—अशोक राजां न्हाथायनं भिक्षुपि खनेव वन्दना याःगुली
 सत्रि गण पिस अथे याय मलो धागुली छन्हू खसिया छ्यो छगः मन्हुयाछ्यो

१०)

छगनं कायके छोया मीके छोटः । बजारे खसिया छ्यों न्याना काल मन्हूया
छ्योंयात छिछि र दुदुर यागु दृष्टांत केना सम्फे यात ।

२०१८।५।१० गते

सुबोधानन्द भन्तेनं पुलां भंसायाथाय देसना याःगु आनन्द सेठया
पीगू कोति धन दुम्ह दान पुंन्य मयासे सिना वना गरीब कुले जन्म जुया
न्हापाया छे लुमंका फों वं बले थ्व सु मचा धका गले पिना वया न्हापाया
पुत्र पतिना हया लें खवै च्वंगु. भगवान बुद्ध भिक्षा विज्याम्ह खना
आनन्द यात घाल न्हापा थ्व छेया आनन्द सेठ्खः छुं छुं दान पुन्य
मयासे सिनावंगुलि थुगु अवस्था जुल धागु आनन्दं सम्फे याका गुप्त
धन पत्ता लगे जूगु बिश्वासं मिले जुल ।

जुजुया म्हाय योगि यात बीगु खं खुं छम्हस्यं सीका योगिया भेष
जूमहया विचार सुद्धजुया योग साधनां ज्या सफल जुल ।

२०१८।११।१६ गते

भिक्षु धम्मानन्दं मुसुं बहाले देसाना- बनारसया जुजुया म्हायनं
बुद्ध धर्म अध्ययन याःगु तै थिक ते मयया जुजुयात खं न्यंका अध्ययन
मतोतुसा सजाय बीगु जूबले न्हेन्हु भाखा कया धर्म देसनां जुजु स्मेतं
बुद्धधर्म दिक्षित जुयालि थः पुत्रियाके क्षमा फोन ।

२०२१।५।८ गते

प्रज्ञारस्मि भन्तेनं गण महाविहारे देसना- उगुं थुगुं धर्म ज्वीगुलि
हानि उपमा- छम्ह मन्हूया कःनि पाना तःगु माकः नं छम्ह कःनि ज्वना
सिमाय थाहां वंबले छःग कःनि कुतुं वंगुली मन वना मावंबले ल्हाते
बाकि कःनि बेहोसं त्वफ्यूगुलि निरास ज्वीका च्वंम्ह माकः ध्ये थ मञ्जु
धैगु खंके फयमा ।

२०२२ ४।२८ गते

बर्माया धम्माउद्ध भन्तेन श्रीधः बिहारे देसना जूगु इन्द्रिय मध्य श्रद्धा व प्रज्ञा बराबर ज्वीमा मखुसा म्वाथाय पूजाया ज्वीम्वागु दानयाय अयोग्यगु दानया ज्वी अथवा मनं मनं दानयासां ज्यू धका धाङ्गु अकि श्रद्धा व प्रज्ञा बराबर ज्वीमा धै बिज्यात ।

१९५५ मै जून धर्मदूत अंके या लेख- राजगृहे समृद्धि भिक्षु तपोदा धैगु क्वालःया कुंदे स्नान याना चीबर पुना च्वंमह याथाय आबसे छमह देब कन्या बया तेज प्रकास याना धाल भिक्षा बिज्यायत जि नाप सह-बास याना बिज्याहुं काल सिंति छोय मते धाःगुली जि काल सिंति मछोया धका बिवाद यायां चित्त बुक्के मज्जूसा भगवान् राज गृहे बिज्याना च्वंगु दु न्योहुं धाःबले, त तः धंपि देवता पिसहे क्त न्यने मदु जि गथे न्यने दै छलपोलं हे न्यना ब्यु धासेलि भिक्षु भगवान याथाय वना जुको खं कना न्यो वले भगवान व देवी थनहे वै च्वंगु दु धाय मात्रं अं भन्ते जि थनहे दु न्यना बिज्याहुं धाल । भगवानं फुक जीव संज्ञा भर खः थ्वीके मफया जन्ममरणया चक्करे लाना च्वन धै बिज्यात ।

२०३०।६।२२ गते

भन्ते सुबोधानन्दं गण महविहारे देसना- दानबी धैगु मने वैगु पुब्ब चेतना, बिया च्वनेगु मुंचन चेतना अनलि दानबी धुंका या हर्ष चित्त अपर चेतना स्वंगू कालेसं कुसल चेतना जुयमा ।

२०२२।७।२४ गते

बिबेकानन्द भन्ते नं किपुलिच्चा दे ले देसना- छमह महाजनं बुद्ध प्रसुख निदो भिक्षु संघ निमन्त्रणा याना सलाक बाडे यायां छमह

गरिबयात छम्ह भन्ते बीघाल ज्याला ज्यावना वःभले बाकि मंत घाल
 वंथाय छें वना श्रद्धा अनुसार देवराज इन्द्र मनूया रूपे भांछे जुया भोजन
 ताःलाका च्वन गरीबयात भंते बाकि मंत घागुलि उखें थुखें हाला जूगु
 खंका छम्ह सें बुद्ध याथाय धाःहुं घका न्येके छो भले बुद्ध पात्र बिया
 हल पात्र ज्वना ले ले ताया वःगु खना सकसियां मिखा तःत गो जुल ।
 अजाम्ह गरीब बुद्धया पात्र जोनावल गथे भोजन ताःलाकें खैं घा घां
 हल्ला, जुजुयाथाय थेन । जुजु स्वयं वया कूपडी छेंया भांछाय वना
 स्वः वं बले दिव्य भोजन खंका दान सिधेवं वया श्रद्धा महान खना
 सक्रं सम्पति परिपूर्ण याना वन ।

२०२३ साल

बुद्ध गूण स्मरणया प्रतक्ष फल अनुभव जूगु घटनाया खं खः-
 छम्ह मनूया नोकरि याना च्वं थाय मेपि कर्मचारि पासा पिसं चोरी
 याना विव्युं वंगु बारे मुद्दा जुया न्यायालय बहस जू भले कगडिया या
 वकिल जुया वम्ह स्विवद न्ह्योया छथासं नोकरि च्वना वम्ह पासां बहसे
 च्वे याम्ह हाकिमयात वास्ता मयासे पासाया प्रति द्वेष भाव तया
 अनुचित धंगं द्वेषारोपन याना हाला च्वं बले मनमनं “बुद्धगूण इतिपिसो
 बोना” वया दोषा रोपन याना हाला च्व च्वं ई; बिते जुया बहस
 थकीन जुल नीन्हू ति लिपाया तारीख बिल उगु तारीख प्यन्हू न्ह्यो
 वकील पासा सदांया लागी बिदाकाल उगु तारिके न्ययाधिसं यथार्थ
 प्रमाणीत याना मुद्दा छिनेजुल । अपसोचया खँ खः पासां निर्दोषया प्रति
 दोषा रोपन याना किछगू मध्यया दुःख भोगयावन थुकी न्हापा जूगु
 डंड पुले मोगु फाईडा जुल । थजापिनिगू स्वभावयात हे भदन्त बोधानंद

महास्थबिरं छथाय च्वया विज्यागु गाथा लुमंस्य वः-

विद्या विबादाय धनं मदाय, सक्ति परेसां परपीड नाय ।

खलस्य साध्ववि परीत मेतत्, ज्ञानाय दानाय चरक्षणय ॥

थौ कन्हेया परिस्थिती लुमंके बहगु खः ।

२०२८।४।१६ गते

भन्ते सुबोधानन्दं गण महाविहारे देसना जुगु- बाहु सच्चं व गाथा उपदेस । ताकेलाका कयके सःम्ह पीठसफ नांम्ह मचां पासापिनी वचनं सिमाय सलकिसि बुत्ता तया च्वं थाय जुजु वोम्हं खंता बोना यंका दरबारे अप्पो खं ल्हाइम्ह ब्राम्हण याथाय वस्तुया खिगुलि छमना विद्या पीठ सफ यात गुप्तं तया ख ल्हाकु बले केकु केकुं छमना खिगुलि फुतनं ब्राम्हणं होसमदुम्ह यात जुलाव याका केना जुजु खुसि जुया पिठ सफ यात लाख उठतिया प्यंगू गां बवसे जुल । उगु विद्या सेका काःम्ह पासां श्वैत केकुसा जोनीमखु धका प्रतेक बुद्धयात कयका सीगुलि हा हा जूबले जिकेका धाम्ह सिना नकें पतन जुल ।

२०२५।५।१६ गते

भन्ते सुबोधानन्दं गण महाविहारे देसना- सब्बदानं धम्म दानं जिनाति गाथाया खं देबलोकं निर्णय याय मफया भगवान याथाय सक्र आदि देबतापि वया न्योवःबले कना विज्यागुली देबलोके च्वंपिनि पुंन्य कार्य आकांक्षा खना पुंन्यानु मोदना याइबले सब्बे देवा धकानं ज्वीमा धागुलि विद्या विज्यागु ।

२०२८।४।१८ गते

वस्पोल भन्ते अनसं विहारेदेसना- न्यागू खं विचाथाना खल्हायगु

यायमाः- समय विचार, सत्यखं, मैत्रीपूर्ण, ग्रन्थप्रमाण, कोमलि
ज्वीमा धका उपदेस जुया बिज्यागु ।

२०२८।४।१९ गते

वसपोल भन्तेन अनसं बिहारे देसना- “मातापितु उपत्यान”
गाथा- मां बौ नं यागु उपकारे चतुर ब्रम्ह बिहार भाबना या विचार
खंके बहजू, गर्भं धारणे मैत्रीचित्तं खंके, बालख, स्याहारे करुणाचित्त,
जवाने इलम पार- मुदतिचित्त कमाइ दया हुकं ज्वीबले उपेक्षा चित्त ।
अतएव मां बौ प्रति अनंत गुण खंके फयकेमा ।

२०२८।४।२८ गते

वसपोल भन्तेन अनहे बिहारे देसना- “आरति विरति पापा” गाथा
ले खुगु आयतन चक्षुश्रोत आदि राग, द्वेष, मोह, स्वम्ह स्वम्ह दरं
किच्याम्ह पुत्र भाबना उपदेस बिया बिज्यात ।

२०२८।५।१ गते

वसपोल भन्ते नं अनसं बिहारे देसना- “गारवोच” गाथाले मेपिसं
यागु खना पुंन्य यागुयात (श्रद्धा बैराग्य) धनजन हीन खनाया (बिषय
बैराग्य) मसाने जले जूगु खना (स्मसान बैराग्य) ज्ञानं ध्वीका यागु
(ज्ञान बैराग्य) उपदेस याना बिज्यागु ।

२०२८।५।८ गते

वसपोल भन्तेन अनसं बिहारे उपदेस- तपोच गाथाया खं खः
किताब स्वयगु, चवपगु, देसना न्यना सील पालन यायेगु दानबीगु
बुद्धगुणे विचार तयगु आदि तपहे खः । “ब्रम्ह चरियाच” दान, सील,
भाबना, । प्रज्ञा, सील, समाधि ध्वं फुक ब्रम्ह चयं पालन ज्वीगु खः ।

२९।१।२१ गते

प्रज्ञारस्मि भन्तेनं गण महाविहारे देसना- लच्छियंक परित्राण याना बिज्याम्हं मैत्री सुत्रया अर्थं धर्म उपदेसे परित्राण यायगु न्ह्याम्हसेनं यासां ज्यू मैत्री पूर्वक यायेमाः धैगु उपदेस याना बिज्यागु ।

२०२९।२।७ गते

सुमंगल भन्तेनं गण महाविहारे उपदेस- चीन जापान माहायाने थेर- बादि जूगुया कारण कनेत जापान वनागु अनया महायान धागु बुद्ध पद हे, लायगुया धेयखः, बुद्ध पद लायत गुलि नियम खने दयमागु व छुं छुं मद्दुगु जूया कारणे अनयागु रूपं धर्म चले जूगु मिले मजू धका कना गिज्यागु ।

२०३०।५।१४ गते

सुबोधानन्द भन्ते नं अनसं विहारे उपदेस- दानमहिमा छम्ह किसान पुत्रीं प्रतेक बुद्ध भिक्षा बिज्याम्हयात न्यासः ताय व पले स्वां छम्ह दान यागु पुन्यं स्वर्गं बासं लि पले स्वानं उत्पन्न पद्मावती यात छम्ह ऋषि बोलंका उगुहे देसया जुजुयात बिबाह पद्मकेसर स्मेत न्यासः-म्ह पुत्र सकलें भावना याना प्रतेक बुद्ध जुया उद्धार जुल । गौतम बुद्धया पाले उम्ह रानी हे दुतिय श्राविका उत्पल वर्णा जु वम्ह खः ।

२०३०।६।२ गते

वसपोल भन्ते नं अनसं विहारे देसना- छगू देसया जुजुया कायनं महाजन पुत्री बिबाह यायत आसा याना स्व वंभले मिसां जुलाव याना टिन् टिन् मल तथा तासं त्व त्वः पुया कोथाय ग्लानि ज्वीका च्वम्ह याथाय राजकुमार बं बले मिसां उगु मलिटन्त व थः ग्लानि केना बैराग्य ज्वीका लित छोया उद्धार यागु । रागे- असुभ भावना ।

१६)

२०३०।५।१५ गते

वसपोल भन्तेन अनहे बिहारे देसना जूगु- छम्ह उपासकं बुद्ध प्रमुख द्विच्छि भिक्षु संघ पित्त निमन्त्रणा याना अन देसे सकसिके दु दु थे चन्दा काकां वबले बिहाल पाद साहुयाथाय का वबले स्वपचि पचिनं कया कया वगु जाकि छो चु आदि अलग अलग पोचिना यंकूगु खना भती भती बिल धका यागु सम्फे जुया स्वके छोट अन भोजन जोरेयागु फुक थलेसं छगः छगः जाकि आदि तथा जोरे यागु व दानं लिपा पुन्यानु मोदना खना मने हर्ष जुया धाल भती भती बिल धका मेगु धागु जूसा अनहे स्याय धका चुपि ज्वना वम्ह उम्ह ब्यक्ति लिपा छेमा फोना उपासक जुया स्वर्ग वास जुल ।

२०३०।७।७ गते

सुमंगल भन्तेन अनहे विहारे उपदेस- छम्ह मिसाया विवाहं छम्ह पुत्र दत सोपाक नाम्ह ज्वना म्यम्ह मिजं याके वन थुम्ह मिज नं व मिसाया ज्वना वःम्ह पुत्र अप्रिय जुया मदयकेत हरेक युक्ति यायां छन्हु मसाने वांछोया तःगु मृतक नाप चिना थकल चान्हे छोट वल मचा खोया हाःगु सलं बिसेवन उखुनु भगवान समापति ध्यानं व मचा खंका अन बिज्याना फेना यंका लहिके बिया घर्म दिक्षित याना अरहत जुल ।

२०३०।९।१ गते

भन्ते सुबोधानन्द अनहे विहारे देसना जूगु- दोछि फोज सहीत याना चाह्यु वम्ह महा कप्पिन जुजु ले ब्यापारं ल्याहा वःपि बनीजाल पिसं लीक बुद्ध उत्पन्न जुल धका न्येकुभले चिते हर्ष जुल धर्म व संघ

स्मेतं न्यना श्रद्धां स्वंगू लाख दां बीगु याना थःपिनं अनहे बुद्धया सरने वनेगु खबर च्वया रानीयात बीके छोया वना खुसि तरे ज्वी थाय् थ्योभले थःके उथेजूगु हर्ष श्रद्धां बुद्धया गुण लुमका अःपुक खुसि तरेजुया भगवान याथाय थेंका धर्मोपदेस न्यना सकलें प्रबज्जित जुल । उगु पत्रया खबर रानीनं सिया अनं बुद्धया प्रति श्रद्धा वना धर्म संघया स्वंगू स्वंगू लाख दरं गुंगू लाख जुजुं ब्यूगु स्वंगू स्मेत फिनिगू ला दां बियालि जुजुं त्याग यागु जितःनं मागु मद्दु धका दोःछ सेबिकाणि मुना राज्य त्याग याना रानी अनुजा देवी सहित सकलें भगवान याथाय थेंका वन्दना याना धर्मोपदेसं सकलें प्रबज्जित जुल ।

२०३०।११।२२ गते

भन्ते सुबोधानन्दं गण महाबिहारे देसना जूगु बुद्धगयाय छम्ह महाजनया भौमचां नोकरनीयात बराबर ज्याखें दोष याना सँ जोना दाया सासना याःगुलि सँ चाना छोःभले गःपते खिपतं चिना सासन । आगुलि रज्जु मालि नां जूगु खः । उगु वेदना सहायाय मफया लःकाः वने त्वह तथा छथाय खिपः स्वःति पायँ तथा कुन्ने जुया सी धका छचालं स्वभले छथाय सिमाभवे भगवान बुद्ध बिज्याना च्वंगु खना केहेमयजू छुयायतेनागु धका धै बिज्याबले मने याउंसे च्वना मने वोगु खं कनः- सिनां छुयाय दुःख फुइमखु सहयाना मैत्रि ति धका उपदेस न्यना मने याउंके चकका लः ज्वना त्याहाँ वंभले माहाजमं खनेव छाया बिस्तार धाःगुली जूगुख कने वं भौमचा सःता आवलि ध्वेत छं केहे भापा तथा च्वनेगु या धका बोध याना सांत्वना बिया मिले जुया च्वन ।

२०३१।१।८ गते

सुबोधानन्द भन्तेनं अनसं देसना जूगु- कीपि थःमं यायमाणु मयासे

उम्हं थुम्हं द्यो पिके जितः धनव्यु जनव्यु बुद्धिव्यु मुद्दा त्याकाव्यु धका ज्या अरे याना जुया मव्युसा दोषारोपन याना ज्वीगु । द्यो धाःपि संनं त्वायगु स्यायगु हथियार आदि ज्वना त्वाना स्याना जूपिगु पुचले, भगवान बुद्ध थःगु पारमिता लुमंका गुल्पा (पिण्डपात्र), छगःया भरे पीन्यादं तक श्वैत वैत मधासे श्वीके फुपित उद्दार याना बिज्यागुली विचार छगूखँ पण्डित छम्ह ज्ञानी जुलः- व पण्डित न्हापा जुजुयात बाखं कना खुसियानः सरिपा काय नियतं उगुं थुगुं बाखं माला कना थुलला महाराज सिलला माहाराज धका बाख ककं बराबर धाःगुली जुजुनं छकः पति छपिसं थूसा थुल धका जक धागुलि दिक्क जुया जिनं थूगुजा मखुनि धका जुजु याथाय मवंस्य श्वीकेगु कोसिस याना ज्या सफल याःबले जुजुं श्व पण्डित छाय मवःगु धका थःहे वना खं ल्हाना स्वःभले ज्ञानं श्वका च्वंगु खना माको धन बिया सत्कार यात । पण्डित ज्ञानी जुल ।

२०३२।५।२३ गते

भन्ते सुबोधानन्दं अनसं विहारे देसना जूगु पंचांग ब्राम्हणया भोजन याना च्वम्हया ल्युने भगवान बुद्ध भिक्षा बिज्याना च्वंगु सीका खंका भोजन याना च्वंगु बाकि दनीगु ज्युसा कै बिज्याहुँ धका धागु स्विकार याना कया भोजन याना धर्मो पदेसं ब्राम्हण ब्राम्हणी निम्हं अनागामि फले लाका बिज्यात । (अतएव मीका बिचार याना पुन्य याय सएकेमाः) वा, लसां निसैं छें दुतकाय तकया न्याको भोजन दान बीया च्वम्ह जुया पञ्चाङ्ग ब्राम्हण धागु खः ।

२०३२।६।१२ गते

सुबोधानन्द भन्तेन मरुसतले देसना जूगु- राजगृहले बिज्याना

चवंबले ध्यानं दना बिज्याम्ह महाकाश्यप भन्तेयात ताय दान यागु पुन्यं देबलोक वंम्ह मयजुलाजा (देबपुत्री) उगु उपकार खंका भन्ते बिज्याना चवंथाय सुथ न्हाप्पां बंपुया लः हया स्यदा याना वना चवंगु सीका नापलाना आवंलि वयमत्य धालनं मजिया वयहे मफयका ब्युसेलि आवसे च्वना बिलाप याना चवंगु जेतवने बिज्याना चवंम्ह भगबान बुद्धं ताया खंका अनं निस्ये बोध याना उपदेस बिया बिज्याबले श्रोतापत्ति फले थ्येका सांत्वना याना बिज्यात ।

२०३२।५।२४ गते

भन्ते सुबोधानन्दं गण महाविहारे देसना जूगु- न्हापा छगू समय छम्ह गरीवं प्रतेक बुद्धया चीवर पर्का च्वथाय थ.मं न्यैतैगु गा छपु दान याःगु पुन्यं आपालं दिव्य सपत्ति भोग याना लि बनारस देसे छम्ह सेठया कुले जन्म जुयालि उगुहे देसे जुजु जुया वस्त्रया कल्प वृक्ष प्राप्त याना लिपाया जन्मे पिफलि भद्रा कपिलायनि जन्म जूवगुखः । महाकाश्यप सुत्र अमुसार थ्वीकेगु ।

२०३२।५।२६ गते

वसपोल भन्तेन अनसं बिहारे देसना जूगु- भगवान बुद्धं बुद्ध पद लायया खातिरे न्हेगू असंख्य कल्प मनेजक तै बिज्यात । गुंगू असंख्य कल्प बचनं आसिका जक याना बिज्यात, अनंलि दीपंकर तथागत लोके उत्पन्न जुया बिज्यासेलि सुमेध तापस जुया बुद्ध बिज्याना च्वथाय बुद्ध ज्वीगु आसिका याना चवंगु चित्तया खँ बुद्धं सीका सेवाया फलं भद्रकल्पे गौतम बुद्ध ज्वीगु भाबिष्य बाणि बोधि सत्व पद लाना बिज्यानालि नीस्वम्ह बुद्ध पिनि पाले अनेक जन्म कया बुद्ध पूजा आदि स्वीगू पारमिता पुरे

याना प्यंगू असंख्य व छगू लाख कल्प लिपा थुगु भद्र कल्पे बुद्ध पद लाना प्राप्त जूगु ज्ञान कीगु निमित्ते बिया बिज्यागु पुंन्य संचय यायत प्रथम सीले प्रतिस्थित ज्वीगु आवश्यक खः श्रद्धा कना बिज्यागुया महत्व पुन्य खेत घागु ध्वीकेमा ।

२०३२।१।२५ गते

भन्ते सुबोधानन्दं अनसं बिहारे देसना जुगु-बुद्ध गूण लुमकेगुया महिमा- श्रावस्ति सुमन गृहपतिया सुजंपत्ति जाहान काय म्हाय भौमचा दुगुखः । लिपा मां बौ मदयका दाजुं केहैया बिबाह याना छोयालि केहैया तिया वःगु तिसाय जहानं लोभ तया खँ न्वंकुगुलि केहैयात हत्या यायगु बिचार यकांते यंका ते यंका प्राहार याय त्योबले बुद्ध स्मरणं देबता पतिया रूपे वोबले दाजु बिस्म्युं वन देबतानं पतिया छें छोया लोप जुल लिपा थःपति नापलाःबले कसा याबले बालख जन्म जूगु जुकोखं कंबले देबतानं रक्षा याःवगु सीका बुद्ध स्मरण यात ।

०२३३।५।११ गते

भन्ते सुबोधानन्दं गण महाबिहारे उपदेस जूगु- वाराणसि देसे ७८ करोड धनदुम्ह तोदेय्य ब्राम्हण दैनिक जीवन हनेत हे कम खचं याना चवंम्ह दान पुंन्य गब्लें मयाम्ह मृत्यू जुया लिपा पुत्र सुभमान वकया छें अबु मदेका छें यापिन्य लें भिक्षा बिज्याइ पित न्याइम्ह थ्यें उयाहालीम्ह खिचा दयावल भगवानं सीका तोदेय्य ब्राम्हण खिचा जन्म जुवःगु घागु सुभमान बकं ताया अबुयात खिचा धाल घका असंतोष जुया भगवान बुद्ध नाप लाना न्योर्मेलि पत्यामजुया भगवानं छेया वस्तु सीके मागु छुं दुसा बोलाक नके त्वके याना देना च्वनीबले अबुसब्दं न्यो घाःथ्यं

गन गन तथा धका चीजत न्योबले खिचां इसारा याना क्यों क्यों थाय
गा गा म्हुया स्व स्व थाय छगू छगू लाख वंगु सुवर्ण माला देमा, लाकां,
मुद्रा, प्यत्ता बस्तु प्राप्त जुसेलि भगवान बुद्धया प्रती बिस्वास याना धर्म
श्रद्धातया खिचायात अबु माने याना बुद्ध धर्मोपुन्य याइम्ह जूया
श्रद्धावान जुल ।

२०३३।६।२७ गते

भन्ते सुदर्सनं गण महाबिहारे उपदेस - 'सहस्र मपिचे वाचा'
गाथा । बेथंखं दोलं दो बाक्य न्यनेगु सिबे सार्थकगु छगू जक बाक्य श्रेष्ठ
गुगु न्यना शान्ति दे । अजागु धर्म अम्बेदकरया बखते तक दनि । अछुट्ट
ते लें वनेत ई फाय थाय मदया मजिया चा यागु भोंचा (थल) गःपते
घाना ज्वीमा पला छिना वीनाथाय असुचि जुया बँ पुना वीनेमागुया
कारणे न्हिप्यो छ्वीथ्यं ल्यून्य तुफि घाना लुया वीनेमागु गजागु धर्मज्वी ।
छगू गामे मुस्मां छगू परिवार चवंम्हया ज्या वनेत मेपिनि छेंया ऊया
कों कों वन्यमा वीथाय अन छेंया पिसं मुस्मां ऊयाकों वैगु मयया खि,
चवं लाकक लाकक लुना हैगु न्हित्थं सहयाना ज्वीगुलि अथे खने मदुसेलि
थ्व मिसा म्हँ मफुला धका ग्वाय दारि खाना धोति चिना वास ज्वना
वैथाय तले वना स्ववंबले बिरामि जुया चवंम्हं छाय वया छसु धका न्यन
बैद्यं गब्लें मुस्मां घाल वास बिल लः क्वाका ब्यु घाल क्वाका त्वंकल रोग
लाल लिपा मुस्मां वसः पुनाजुल म्हसिल अनंलि उगु दुश्चरित्र मंत ।

भन्ते सुबोधानन्दं देसना जूगु- भगवानया धर्म न्ह्याको कंसां नं मने
धारणा पालन याय मफुगुहे न्हापा यागु अन्ध बिश्वास मिथ्या दृष्टि
धारणा आदत चलन तोते मफुगुया उपमाः- छम्ह मिसाया थःम्ह जोहान

(मिजं) नाप त्वापु जुया छंथाय च्वने हे मखु धया थःछें वनेत थःगु वसःत मुना छगः बाक्से तथा उखें थुखें तिसा माला, काःजूबले मिसां मखंक, मिजं बाक्से दुने वसतं तपुयाच्वन उकि तयमाको थपे यानातया जोना वन थःछें थैन्यव मांम्हं वे धुनला पुता धका दु दुगु नके त्वंके याना खं ल्हाना न्योबले मिजं नाप त्वाना च्वनेहे मखु धका थःगु जुको वसः तिसा ज्वना वे धुन मां, अजाम्ह याथाय च्वनेहे मखु धका पारा पारां खं ल्हाना हाला च्वन मांम्हं छु छु जक हलज्वी थ्व मचां धका बाक्स चायका वसःत लिकाकां स्वबले मिजंम्हं तीजक दना वोगु खना मै छं मिजंनापं फुकहे हलका धया मिजं यातनं फासं दिसं धका माने याथ्ये ।
२०३३।१२।१५ गते

बुद्धघोष भन्तेनं श्री सुमंगल बिहारे कना बिज्यागु - बुद्धपिनिगु बुष्कर चर्या काल प्रमाण । दीपंकर, कोण्डञ्ज, सुमन, अनोम दस्सि, सुजात, सिद्धत्थ, ककुसन्धादि १० फिना । मंगल, सुमेघ, तिस्स, सिखि, पदुम, अत्थदस्सि विपास्सि आदि ८ च्याला । रेबत ७ न्हेला । सोभित, पियदस्सि, फुस्स, बेसम्भु, कोणागमण ६ खुला । नारद, पच्चुत्तर, धम्मदस्सि, काश्यप छगूहत्ता । गीतम बुद्ध ६ खुदं दुष्क र चर्या ।

२०३४।२।१३ गते

भन्ते शाक्यानन्दं गण महाबिहारे धर्मं देसनाः- त्रिसरण पंचसीलया महत्त्व साथे पति पत्नि व्रतया धर्मं देसना । भगवान बुद्ध चारिका यायां कौसांबीदेसे थैन्यव अनया जुजु माहारानी वैस्वामित्र भगवानया प्रति श्रद्धा तथा वन्दना याना त्रिसरण पञ्चसील कया न्यादं लिपा वैगु भय यात्त सांत आघार ज्वी धका भगवानं आज्ञा जुया बिज्यात । लिपा पर-

रास्त्रं लडाइ यावोपि नाप जोरे जुया संग्रामे हार जुया जुजु मदै वँ सेलि
 रानीयात ज्वना थःम्ह रानी याय धागु माने मजुया मिछवेका कोफाःबले
 त्रिसरण पञ्च सील लुमंके मात्र मालः ल्वीथे मिसिना मि मथ्यूबल
 आश्चर्य जुया रानीयाके न्यन त्रिसरण पञ्चसीलया प्रभावं धैगु थ्वीका
 छेमा फोना आवनिसे छ मां सह छः धका मांयागु तहःले तया पालन
 याना तल । थ्वखः पति ब्रता धर्म । पत्ति ब्रत पालने कुस राजां गजागु
 दुःखं प्रभावति थःयात ।

२०३४।२।२४ गते

श्री लकां बिज्याम्ह अनगारिक "महेन्द्र" गण महाबिहारे प्रवचन
 जूगु । चतुआर्य सत्य, आर्य अष्टाङ्गिक मार्ग उपदेसे थौ कन्हेया जमा-
 नाय युरोपे त तःधंगु देसे भौतिक उन्नति सम्पति जोरे याना एस आराम
 यको दुसां सारीरिक व वयावे अप्पो मनं उत्पन्न ज्वीगु रोगं पिरे ज्वीका
 सांतिया उपाय बिचार मदुगु । दुःख, दुख समुदय खः । इमिगु भौतिक
 सुखया सामान चाहना याय मत्ये थःगु देसेया धंगं वँ च्वंगु उन्नति
 साधारण नय त्वने ती पुने या । उमिगु सन्हेले भौतिक रेडियो तेलि
 भिजन नय तिय पुने गुली लुब्ध जुल धायव प्रपात्य लाइ देव भक्ति
 हिसादि नाना तरहं भय मदयके वा बरदान काय यात पूजा याना देवबर
 धका एस आरामे जुल धासा बुद्ध बचन तना वनी सुबिधा ज्वीमखु
 इमिया सिनं तच्चोगु दुःख भोगे याय माली धका धै बिज्यागुली लुमसे
 वगु छगू खं न्हापा छकः अफिसया हाकिमत जुको न्हिनसिया प्यता इले
 दरवारे सामेल ज्वीमा धागुली वंबले सकलें नाचघरे तान्सेन उस्ताद
 व रामायणया फिलिम केगु स्वया । अनलि जनसेवा (सभागृह) ले, हल

खोले जूबले पासां स्ववनेगु खं लहाबले मस्वेगु बिचारं त्वता छ्वैगु थौंतक
गन गन छुछुनांया हल दु मम्यु पलाते मन थुकि मनयात सान्ति कायगु
लंपु खः ।

१९५६ मई २३ तारिख ०१३ बैशाख बुद्ध जयन्ती बासन्ति गौतम
बुद्धाङ्क पत्रिकाय धमं र क्षित भन्तेनं च्वया बिज्यागुः- बुद्धया जीवमान
काले प्रसिद्ध चैत्य व बिहार यानाम बैशाली ? चापाल चैत्य, सप्ताम्रक
चैत्य सारन्दर चैत्य, उदवन चैत्य, गौतम चैत्य, बहुपुत्रक चैत्य । कूटागार
साला ? बालुकाराम, महाबन बिहार राजगृहले ? काश्यपाराम, निग्रोधाराम,
परिब्राजका राम । पाटलिपुत्र ? असोकाराम, गिज्जका वसथ, कुकुटा-
राम । कोसम्बी ? बदरिका राम, घोषिता राम, कुकुटा राम । साकेते ?
कालुका राम, उज्जैने ? दक्खिनागिरि बिहार । श्रावस्ति ? पूर्वाराम,
सललागार, जेतवन महाबिहार, राजकाराम । नदिजम्मा २६ नीखुगु
मध्य छगु बैतरणि खः थुकियात यमयागु नदि धका धाइ थुकी नारकिय
प्राणि दुःख भोगे याकई । अष्ट पान, भगवानं शिष्य पिन्त अनुमति
बिया बिज्यागुः- आमया रस (आम्बपान) जामुन्यारस (जाम्बपान)
केराया रस (मोचपान) अंगूरया रस (दाक्खपान) कोड्याजड (सालुक-
पान) फालसेया (फारसुक पान) मोन्च पान व मधुपान जम्मा च्याता ।
स्वर्गिय घम्मालोक भन्तेनं न्हापा श्रीघः बिहारे बिज्याना च्वंबले दश
संयोजन बलेश नारे अनुवाद न्ह्यथना बिज्यागुली, संयोजन संक्षिप्त रूपं
भतीचा जूसां थन तयेगु आवश्यक खना च्वयागु खः ।

प्राणिपि संसार चक्रे लाना च्वंगु बन्धन अथवा संयोजनं खः उगु
संयोजन कीगु थथे खः- **सत्काय**

१) गुपि मनुस बीछ्मा द्दिष्टि लाम्ह जूइ वैत अत्यंत दुष्परिणाम

(दुःखया कारण)खः दुर्गति लाइ जन्म मरणया चकरे लाना अनंत दुःख ज्वी अतएव थः थमं ध्वीका मिथ्या दृष्टि मुक्तजु थजापि मिथ्यादृष्टित ताः पाकाच्चै ।

२) संसारया मनूतसें सांसारिक बस्तुले लोभ जूया इन्द्रिय सुखे प्येप्पुना च्वंम्हयात सदगुणया छुं प्रयोजन मदु । प्रज्ञावान मनुष्यं सत्य-यात ध्वीका जन्म मरणया असंख्य दुःख चक्रं मुक्त ज्वीया लागी सदगुण खंका च्वनी अजापिके बुद्धया बारे गुगुं प्रकारया विचिच्छा ज्वीमखु वंहे बुद्धया गुणयात खंका आनद काई ।

३) गुपि मनुष्यं ब्यथंगु कर्म काण्ड ब्रत आदि माने याना आत्मा सुदु तथा जन्म मरणया चक्रं मुक्त ज्वीगु साधानया रूपे असद्धर्मि अबौद्ध सिद्धान्तयानाज्वी वैत धाइ सीलब्रत परामासया बन्धने लाम्ह धाई । थजापि पासाया संगते अथवा— स्मृति- सम्प्रजन्य आदिगुण मदुम्ह असंयमियात, विनय इन्द्रिय स्मृति तथा प्रज्ञा ज्ञानं उगुमिथ्या फुका वीगु सहायता यायमा ।

४) हे भिक्षुपि जि, मेगु थजागु कारण मस्यूकि गुकि थुलि याकनं काम-भोग सम्बन्धि तृष्णा उत्पन्न ज्वीव उत्पन्न जूगु तृष्णा बढे ज्वी गथे कि छुं यइपुस्य च्वंगु वस्तु । म्हागुं यइपुस्य च्वंगु वस्तुले अनेचित्त दगं बिचार याइ वया मने तृष्णा उत्पन्न ज्वीव छको उत्पन्न जूगु तृष्णा बढे जुजुं वै च्वनी ।

छगु सांसारिक मनूया चित्ते क्लेस साःपं बल्ला छाय धासा कुसल कर्म च्वंपित त्वपुया दवे याना तयफु । कारण मौका परेजुलकि चित्ते च्वंगु क्लेस क्लत प्याहाँ बइ ।

छम्ह मनु अट्ट कथा सहित्त पालि त्रिपिटक अध्ययन यांना चवनेफु
 वैत भतिचा प्रमाद जुलकि वया मने क्लेश तुरून्त प्याहां वयफु ।
 सुनानं आर्यं अष्टाङ्गिकं मार्गं कनीम्ह अथवा प्यंगू ध्याङ्गलाभि नं ज्वीफु ।
 थजापितनं रूप प्रिय आसक्ति कारणं तुरून्त वया ध्यान नष्ट ज्ञया
 चित्तया क्लेश, हाकनं दना वयफु ।

५) सुं गुम्ह मनु याके घृणाया पर्दा दै चवनी वं निर्वर्णियाये फई
 मखु कि, ध्वखं भिगु बा मभिगु अथवा ध्व ज्या उचित खः या अनुचित
 अतएव भगवान बुद्धं क्रोधि मनुष्ययात अन्धा मनु धया बिज्यात ।
 अतएव गुम्ह मुनूष्यं अजागु घृणा यात परम सत्रु सम्फे ज्वी छाया धासा
 वं मनुष्य पित अनंत दुःखया गाले (धोपे) कुत्युंके छोइ । भागेवान
 अजाम्ह यात धाइ कि सुनां घृणा यात त्याके फइ । सुनानं छगू मुहुतं
 जक जूसां थुगु मैत्री भावनाया अभ्यास याइ वंहे जिगु अनुशासने
 चवनीम्ह ज्वी वहे सकसिया श्रद्धा तथा उकी लोगु दानया उपयुक्त
 पात्र खः ।

६) न्ह्यागुं परिवर्तन शील खः उगु स्थिति यात सामान्य रूपं
 स्वयभले रूपहे धायमा । छाया धासा थन रूप रागया मतलब खः सूक्ष्म
 भौतिक अस्तित्वया प्रति तूष्णा । ध्व रूपलोक, ब्रम्ह-लोकं च्वे अकनिष्ट-
 देव लोकं क्वेया बिमान खः ।

प्रतेक वस्तु जो अनित्य ख अतएव दुःख एव अनात्मा खः रूपे अन्तर
 गत जुया च्वन (आकास यानि पवनो यथाही, यथा समी गर्भं सायो
 हुत्तास । आपो यथान्तर बसु धासयाश्च, दुःख तथा चित्त शरीर
 योनी) धका सौन्दरा नन्द महाकाव्य उल्लेख याना तःध्यै एव रूपे

अनित्य, दुःख, अनात्म सुला च्चन ।

७) अरूप-रागे अन्तर गत जुया च्वंगु प्यंगू आयतन दईच्वनः-
 १) आकाशा मञ्चायतन २) विञ्जानञ्चायतन ३) आकिञ्चञ्चायतन
 ४) नैबसञ्जा- नासञ्जा यतन । मनुष्य पिसं ध्व प्यंगू मद्य छगुली
 उत्पन्न जूवनेगु आकांक्षा याइ अथवा बया मने अजागु आसक्ति दत घासा
 अरूप रागया बसे लाम्ह छः धका धाइ ।

८) प्राणि पित जन्म-मरणया घःचाले चिना तैगु तःसकं बल्लागु
 बन्धन फिगू मध्ये छगू छः मान अभिमान । थुगु रूपं लुमके लोकि मान
 धैगुलि मनुतयत गुधाय तक अपमानित यायफु । अनंलि थुगु रूपं नं
 खने दु ।

१) घमंड अहंकार मान २) अतीघमण्ड- अहंकार अतिमाना
 ३) अहंकारे अहंकार यायगु मानातिमान ४) त धं कुल्या अहंकार जातिमान
 ५) तःधंगु गोत्रया अहंकार- गोत्र अहंकार ६) निरोगीम्ह छः धका-
 आरोग्यमान । ७) ल्यायम्हया अहंकार योवनमान ८) आप्लं आयू
 दु धका जीवित्त मान । ९) यक्को लाभ जुल धका. लाभमान
 १०) सत्कारयात धका. सत्कार मान । ११) मेपिसं पुजा आजा यात
 धका गौरव मान १२) न्हापा लाम्ह धका पुरक्खा मान । १३) जाहान
 यक्को दु धका परिवार मान १४) धन सम्पत्तिया अहंकार भोगमान ।
 १५) बांलाधका अहंकार बर्णमान १६) बहुश्रुत यक्को दु धका श्रुतमान ।

९) मनुष्य तयत्त जन्ममरणया घःचाले चिना तईगु उड्च छः ।
 एकाग्रता मदैगु बेचैनि ज्वीगु अशान्ति ज्वीगु, थुगु कारणं चित्तं थजागु
 ज्वी कि मानो मुनानं मिनीगु खराजी अप्पां लोहत्त कयके भले खराजी

फसं प्बीका उखे थुखे ज्वीक चिच्चा दनीभले व मिनोगु खरानिया कारणं गथे ज्यीगु खः ।

उद्धच्च न्येःनिगू चैतसिक मध्य छगू चैतसिक खः उगु उद्धच्च प्रतेक अकुणल- चित्ते सुला च्वंगु दु ।

कीके थ्व छगू अंग जुया चित्ते सुला च्वंगु खंके मालकि थ्व गुगु प्रकारं उत्पन्न (प्याहां वै) थ्वया ज्याः छु तथा थ्वया पासा सु ? थ्व समुद्रे नैकयाया दुने च्वंगु लः नं तःसकं खूसि न्ह्याइ ध्ये ज्वी । छिकि-पिसं स्यू कि छगू समुद्र गुलितक असान्त ज्वीफु । ठीक थ्वहे हाल चित्त असान्त दया च्वनी ।

मने शान्ति याथाय बीत मनुष्यं शमथ तथा बिपश्यना भाबना अभ्यास यायमा समथ भाबना न्यागू निवरणया हानाप ल्ये दनावनी ।

बिपश्यना भाबनाया मतलब खः थ्व संसारे नाम रूपयात अनित्य दुःख तथा अनात्मायात मने प्यपुं क लुमंका तेगु ।

उगु उपाय अतिरिक्त (हानं) खगू म्यगु उपाय दु उकि उद्धच्चया मुख्यगु हा स्मेत ल्यहे थना छोइ । व थ्वहे खः- १) सुबिद्या २) धर्मया वारे प्रश्न यायगु ३) शिक्षण ४) थःस्वया स्यू सर्पि नाप संगत यायगु ५) कल्याण -मित्र ६) धार्मिक- खं लहायगु ।

सुंगुम्ह मनुष्य धर्मया वारे खं न्यो न्यो थ्व भिगु थ्व मभिगु धका ज्ञान प्राप्त याइ । गुम्ह सम्येक रूपं विनीत ज्वी गुम्ह- प्रज्ञा वान ज्वी गुम्ह तःर्धपि पण्डितपि नाप सत्संगत याइ उपालि स्थबीर ध्ये जास्ह कल्याणमित्र ज्वी तथा सुनां धर्म चर्चाय रते जूम्ह ज्वी वहे उद्धच्चया मूल हा स्मेत ल्यहे थना छोय कुम्ह ज्वी ।

१०) अविद्या हे खः मनूतेत मभिगु (अकुशल) ज्या याकीगु भिगु (कुशल कर्म) याके भवीगु । अविद्यां गृष्ट जूम्ह प्राणि न्यागू स्कन्ध उदय जुया वगु वंगु मभ्यू नाम रूप या अनित्यता यात म्हमस्यू इन्द्रियया बल थुलि थथे धका मस्यू । छाया धासा इमिसं प्यंगू आर्य सत्ययात यथार्थ ज्ञान मदु । अतएव जन्म मरणया चक्करे चाचा हिला चवनी । अविद्यां हे गुगु वस्तुया प्रतित्य- समुत्पन्न त्वपुया तल । थ्वया ज्या खः- प्राणि पित लँ द्वंका भ्रष्ट याना वीगु ।

पथ-प्रदर्शकया अभावे मार्गं भ्रष्ट ज्या ज्वीम्ह मनुष्यया अविद्यां तुलना यायफु । थुगु प्रकारं अविद्या गृष्ट प्राणि पिसं गळें भिगुकर्म याना चवनी, गळें मभिगु- कर्म याइ ।

जव ह्यगूबार मनुष्यं प्यंगू आर्य सत्य यात यथार्थ बोध ज्वी अले वैत अविद्यां मुक्त जुया अरहत्व लाभ याना फुकक प्रकारया अकुशल-धर्म छुटे ज्वी । प्यंगू आर्य सत्यया व्याख्या ।

१) दुःख आर्य-सत्य ? जन्म जरा व्याधि मरण प्रिय वियोग अप्रिय संयोग इच्छायाना थें पुरे मज्जीगु परिनामे पंचस्कंध धारण याना चवने मागु फुक दुःख खः ।

२) “दुःख समुदय आर्य सत्य ? हानं हानं जन्म काय मालिगुया कारण ख ? लोभ तथा राग युक्तज्वी थुकी उखें थुखें मज्जा काज्वी थ्व गुगु तृष्णा ख अक्रथे काम तृष्णा, भव- तृष्णा तथा विभव- तृष्णा थ्व तृष्णा हे दुःखया समुदय वारे आर्य-सत्य खः ।

३) “दुःख निरोध आर्य सत्य ? वहे तृष्णा सम्पूर्ण वैराग्य निरोध खः । थ्व गुगु खः कामो पभोगया हीन, ग्राम्य, अशिष्ट, अनार्य तथा

अनर्थगु जीवन हनेगु- थःगु सरीरे व्यर्थ क्लेस बीगु दुःख- मय अनायं अनर्थ कथं जीवन हनेगु थ्व निगूलि बचेजूया भगवान शास्तानं मध्यम मार्गया ज्ञान प्राप्त याना कना बिज्यात । गुकी मिखां खंका बिज्यागु खः ज्ञान दयका व्यूगु उपशमनया लागि अभिज्ञाया लागि बोधया लागि निर्वाणया लागि बिया बिज्यागु खः ।

४) "दुःख निरोध गामिनि प्रतिपदा मार्गं आर्यं सत्यं ? दुःख निरोधया लं केना यंकैगु आर्यं अष्टाङ्गिक मार्गं थ्व हे खः गध्य घासा

१) सम्यक् दृष्टि	}	प्रज्ञा
२) सम्यक् संकल्प		
३) सम्यक् वाणी	}	शील
४) सम्यक् कर्मान्त		
५) सम्यक् आजीव		
६) सम्यक् व्यायाम	}	समाधि
७) सम्यक् स्मृति		
८) सम्यक् समाधि		

"भिक्षुपि सम्यक-दृष्टि धेगु गथे खः छु खः ? "भिक्षुपि थ्व गुगु ख, दुःख लुमंकेगु दुःखया समुदय लुमंकेगु दुःखया निरोध लुमंकेगु, दुःख निरोध ज्वीगुली यंकैगु लुमंकेगु थ्वनं सम्यक दृष्टि खः ।

"भिक्षुपि- सम्यक संकल्प धेगु छु खः ? नैऋम्य- संकल्प सम्यक संकल्प संकल्प ख अव्यापाद संकल्प सम्यक संकल्प खः अविहिंसा संकल्प सम्यक संकल्प ख ।

"भिक्षुपि- सम्यक वाणी सुकीयात धाइ ? कुठ्ठं ल्हायगुलि

विरत ज्वीगु सम्यक वाणी खः । चुगलि खं विरत ज्वीगु कठोर वचनं
ल्हायागुलि विरत ज्वीगु, फजुल खं मल्हायगु सम्यक वाणी खः ।

“भिक्षुपि सम्यक कर्मान्तं छु खः ? जीवहिंसा यायगुलीं ताःपाक
चवनेगु सम्यक कर्मान्तं खः । खुया मकायगु, कामभोग मिथ्याचारं
ताःपाक चवनेगु सम्यक कर्मान्तं खः ।

“भिक्षुपि सम्यक आजीविका धेगु छु ? भिक्षुपि आर्यं श्रावकं मिथ्या
आजीविका त्वता सम्यक आजीविकाय लोगु त्यया कमाय याई ध्वहे
सम्यक आजीविका खः (=मद. मांस. वीष. हथियार. जनावर मिथ्याखं
विरत ज्वीगु) ।

“भिक्षुपि सम्यक प्रयत्नं धेगु छु ? छम्ह भिक्षुं प्रयत्नं याई खुव लगेज्वी
मनयात वसे तै कि छुं मभिगु पापमयखुयाल आःतक मने महुनि उत्पन्न
ज्वी मखु कि थजागु अकुसल वयामने दतसा व ताःपाना वनी गुगु कुसल
कल्याण मयखं लुममं साव याकनं लुमनी गुगु भिगु खं (चरित्र)॥ दयां
वइ व फुना वनीमखु फन फन बढेज्वी विपुल ताया प्राप्त ज्वी ।

“भिक्षुपि सम्यक स्मृतिं छुकियात धाई ? भिक्षुपि छम्ह भिक्षुं
कायया प्रति जागरूक जुया चवनी । वं प्रयत्नं शील, ज्ञान युक्त तथा
लोके गुगु लोभ हनं दौर मनश्य दइ उकियात हतय याना चवनी वेदनाया
प्रति, जागरूक जुया दौर मनश्य हतय याना चवनी । चित्तया प्रती
जागरूक जुया धर्म (=मनया विषय) या प्रति जागरूक, प्रयत्नं याइम्ह
ज्ञान युक्त, होस दुम्ह तथा लोके गुगु लोभ दौर्मनश्यदं चवंगु हतय याना
चवनीम्ह ज्वी ।

“भिक्षुपि भिक्षु चित्तया उपग्रहलेस, प्रजायात दुर्वलं याइम्ह न्यागु

बंधन यात त्वता काम-वितर्कं रहीत जुया मभिगु विचार फुका प्रथम
 ध्यान यात प्राप्त याना च्वनी गुकी वितर्कं विचार दया च्वनी गुगु
 एकांत वासं उत्पन्न ज्वीगु गुकी प्रीति व सुख दया च्वनीगु खः ।

थनंलि भिक्षुपि भिक्षु वितर्कं व एकाग्रता रूपी निगूगु ध्यान प्राप्त
 याना काई गुकी न वितर्कं दई न विचार बई गुगु समाधि उत्पन्न ज्वीगु
 खः गुकी प्रीति तथा सुख दया च्वनी ।

थनंलि भिक्षुपि भिक्षु प्रीति विरक्त जुया उपेक्षा वान जुया च्वनीम्ह
 जुई, उम्ह स्मृति वान ज्ञान वान् ज्वी थनंलि सरीरं सुखया अनुभव याई ।
 थुकी तृतीय ध्यानयात प्राप्त याई गुकी पण्डित पिसं उपेक्षा वान् स्मृति
 वान् सुख पूर्वक च्वना च्वंम्ह धाई ।

भिक्षुपि भिक्षु सुख व दुःख- निगुलि प्रहाण याना सौमन्नस्य व वीर
 मनस्यया न्हापा हे फुइ धुंकूगु जुया उत्पन्न चतुर्थ ध्यान यात प्राप्त
 याई गुकी न दुख दई न सुख अन दइतिनि केवल उपेक्षा तथा स्मृति
 निमंल परि शुद्धि मात्र खः । साधु साधु साधु

जीवितं व्याधि कालो च देहनिक्खेपनं गति ।
पञ्चेते जीवलोकं सिं, अनिमित्ता न जायरे ॥

[जीवित, व्याधि (—रोग), काल, शरीर त्याग व गति—ध्व
न्यागू जीव—लोके अनिमित्त खः सीके मफु ।] (विशुद्धि मार्ग

Dhamma.Digital

मुद्रकः— शाक्य प्रेस अब्बहाल काठमाडौं, नेपाल फोनः— ९३६०४